

# Tge tegna ensemen il Grischun?

Text dal Manifest da las «Testas» a Puntraschigna

## Quant custaivla ans è la trilinguitad?

Per nus n'è la communicaziun betg mo ina valur custaivla, mabain il pli custaivel insumma. Nus essan loschs da nossa trilinguitad ertada, e nus accentuain quai gugent e savens. Forsa memia savens. Cun ludar cuntinua-damain quest mitus ans liberain nus da l'incumbensa da reflectar davart il senn e la valur da la trilinguitad.

Las linguas ans avran il mund. En l'atgna patria percenter ans èn ellas savens enta pes. En il contact cun persunas che vegnan a star en il Grischun, per exempel. U tranter Grischunas e Grischuns. Perquai proponin nus da crear ina suletta organisaziun linguistica! Quella po lavurar a moda pli effizienza che las organizaziuns sparpagliadas, separadas tenor linguas. Ella promova tut las trais linguas uffizialas a moda sistematica e profitescha da la gronda experientscha d'ina Lia rumantscha. Quai tut per transformar l'indifferenza nonchalanta da blers Grischuns en in vair interess per las linguas da l'agen chantun.

## Tge tegna ensemen il Grischun?

Noss chantun ha blers cunfins. Memia blers, e blers èn nunnecessaris. Lain dismetter els! Ils cunfins tranter ina testa e l'otra. Tranter ina vischnanca e l'otra. Tranter ils centers e las valladas. Tranter ils indigens ed ils immigrads. E tranter sura e sut: Rum-pain las structures da fraternisaziun e da filz!

Esser dependent in da l'auter promova la solidaritad ed il sa sentir protegì. Las valladas duain sa sviluppar a grondezzas autonomas che pon viver da l'atgna forza – saja quai en il sectur economic, social sco era cultural. Il chantun sustegna las novas furmas da convivenza.

## Bainstanza materiala u spiertala – tge duvrain nus per ina vita ventiraivla?

L'istorgia ha fatg da nus realists. Implants electricis ans stattan pli datiers che chastels en l'aria; idealists nun han simpel da viver tar nus.

Daners han dapli pussanza ch'il spiert/intelletg; daners pon crear spazi per il spiert/intelletg. Perquai creescha la regenza ina plattforma extraparlamentara, in pendant al mund politic bloccà. Grazia a quest lavuratori dal futur pon represchentant(a)s da la societad civila, d'uniuns e da NGOs, partenaris socials, baselgias e blers auters reactivar la debatta publica cun lur ideas e visiuns.

En la vita da mintgadi sustegnain nus il spiert/intelletg daper-tut ed en tut las furmas, en las qualas nus al inscuntratin. Tar l'engaschament da persunal preferin nus persunas creativas e nunconformistas. In experiment survegn sia schanza senza vegnir snarregià immediat sco siemi. Il spiert/intelletg porta aria frestga. Spiert/intelletg sa paja.

Dal reminent: Il spiert/intelletg grischun n'è betg mo masculin!

## Il paradìs da l'uffanza – e pli tard?

Grischunas e Grischuns èn nomads da naschientscha. Sch'els returnan oz en lur patria, na conuschan els strusch pli il paradìs da lur uffanza: In'activitad da construcziun exagerada ha destrui la cuntrada. Enstagl dals tschains viva il Grischun da ses chapital.

Perquai che nus faschain quita-ds per noss futur, pretendain nus da remplazzar la frasa sblatga «responsabladad avant Dieu e la natira» en il preambel da la nova constituziun chantunala tras:

La construcziun noncontrollada d'abitaziuns secundaras sto vegnir franada.

Tgi che fa donn a la natira ed a l'ambient, duai pajar persunter. Tgi che porscha products e servetschs duraivels vegn distgargià finanziailmain.

Ecologia e dumondas interculturalas daventan roms da scola sin tut ils stgalims da furmazium.

Enstagl da cuvrir l'entir chantun cun il medem concept da svilup monoton: Dapli fantasia, variaziun e duraivladad en la planisaziun dal territorì! Il chantun Grischun grisch dovra in pau colur.

## Il Grischun è ina regiun periferà – per fortuna?

Ina regiun periferà? Nus protestain! Nus n'essan betg la Val Calanca da l'Europa, mabain ina regiun en il center da las Alps. Quest avantatg stuain nus nizzegiar. Nus promovain il partì ed il turnar. Nus beneventain quels che vulan vegnir u returnar ed ans legrain dals impuls novs ch'els portan. Per umans iniziativs na duai il Grischun betg mo esser in chantun da vacanzas attractiv; els duain era sentir il giavisch da crear tar nus e cun nus insatge nov. Emigrant(a)s e persequitads na vulain nus betg mo tolerar; nus als vulain envidar explicita-main da vegnir tar nus.

En nagin auter chantun da la Svizra n'è la qualitad da viver uschè auta sco tar nus. Nus essan simpatics, vegnin apprezzads ed admirads. Tras quai essan nus memia cuntents (cun nus sez). U schizunt arrogants. En splendid isolation acceptain nus senza critica l'existent e refusain il nov. Il Grischun, la regiun cun las muntognas che prendan a nus la vista.

Nus duvrain dissidenza e dissonanza! Nus duvrain ina cultura da conflict per tschiffar fieù. Nus duvrain testas che dasdan il chantun or da sia letargia. Nus essan pronts d'ans engaschar – era cun nossas atgnas testas.



Las «Testas» han surdà lur manifest a cusseglier guvernativ Stefan Engler ed al president dal cussegl grond, Hans Telli.